

立典契人后浦鄉東門蘇門蔣氏。有承夫遺下水園壹坵，受種壹斗貳升，坐落土名較場尾圍仔內，東至許家地，西至許家田，南至徐家田，北至許家田，四至明白為界。今因乏錢別置，托中引就與傅光義覘處典出銅錢玖拾仟文，錢即日全中收訖。園即付錢主管耕，不敢阻當。園限至玖年終，備契回錢取贖，不得刁難，歷年貼納米錢陸拾文。保此園係是承夫遺下物業，與夫房親叔兄弟侄無干，亦無重張典掛他人交加不明為碍，如有不明等情，典主出頭抵當，不干錢主之事。恐口無憑，立典契壹帑，付執為炤。

代書人 葉乃觀

作中人 姜盈科

道光陸年拾月

日立典契人 蘇門蔣氏

知見人 天功弟蘇光明

